

Sakspapir

Saksbehandler	Arkiv	ArkivsakID
Njål Bolstad Eidsnes	FA-M60	21/111

Saksnr	Utvalg	Type	Dato
023/2021	Kommunestyret	PS	06.05.2021

Ny felles forskrift om innsamling og handsaming av hushaldningsavfall for deltakarkommunane i NGIR

Forslag til vedtak:

Forslaget til ny felles forskrift om innsamling og handsaming av hushaldningsavfall for deltakarkommunar i NGIR blir lagt ut på høyring

Høyringsfristen er seks veker

Saksopplysningar:

Bakgrunn

Etter forureiningslova § 30 er kommunane ansvarleg for innsamling og handsaming av hushaldningsavfall.

I Modalen kommune er det Nordhordland Interkommunale Renovasjonsselskap IKS (NGIR) som syt for innsamling og handsaming av hushaldningsavfallet. NGIR er eit felles selskap oppretta til dette føremål, og Modalen kommune er deltar i NGIR saman med kommunane Alver, Austrheim, Fedje, Gulen, Masfjorden og Solund.

Gjeldande forskrift; «Forskrift for innsamling av forbruksavfall» blei vedteke av deltakarkommunane i 2000 og forskriften har vore gjeldande i 20 år. I løpet av denne perioden har NGIR gjort seg erfaringar med omsyn til korleis forskriften har fungert i praksis. I tillegg har det i perioden utvikla seg nye løysingar, metodar og behov til renovasjon for hushaldningsavfall. Dette tar ikkje gjeldande forskrift fullt ut høgde for.

NGIR har i perioden særleg erfart at forskriften er lite presis med omsyn til ansvars- og oppgåvefordeling mellom den enkelte kommune og NGIR, og brukarane (abonnementane) har oppfatta at det er uklart kven dei faktisk skal forhalde seg til.

Vidare har forskrifa både formelt og praktisk vist seg å gjera ei rekke typiske oppgåver knytt til renovasjonen unødig tungvint for både kommunane, NGIR og brukarane.

Gjeldande forskrift har òg gitt grunn til å stille spørsmål ved om det er treft tilstrekkeleg klare kommunale vedtak knytt til ansvars- og oppgåvefordeling. Slik gjeldande forskrift er utforma, har det vore naudsynt at kommunane har treft særskilde vedtak som gjev NGIR moglegheit til å treffa eigne vedtak, eller for å kunna utføra oppgåvene etter forskrifa.

NGIR har dermed sett ei trong for at kommunane oppdaterer den lokale forskrifta, slik at forskrifta i større grad legg til rette for ein hensiktsmessig oppgåvefordeling og effektiv ressursutnytting både i kommunane og NGIR. I tillegg vil dette gjere det meir oversikteleg og enklare for brukarane å forstå kven dei skal rette seg mot.

Ein tydeleggjering av forskrifta vil òg i større grad kunna sikra ein heilskapleg praksis på tvers av deltakarkommunane i NGIR.

NGIR har òg sett eit behov for at forskrifta blir meir dynamisk, slik at det blir enklare å tilpassa seg utvikling og endringar, utan at dette krev ei endring av sjølve forskrifta. Forslaget til ny felles forskrift inneheld difor eit større innslag av heimlar for å vedta retningsliner og rettleiarar som kan oppdaterast oftare enn forskrifta.

Vurdering

Føremål:

Føremålet med ny felles forskrift er at deltakarkommunane i NGIR får ei forskrift som ryddar opp i uklarheiter som har vist seg, og som vil fungere som eit godt grunnlag for den felles renovasjonen i kommunane.

Konsekvensar av forslaget:

Forslaget til ny felles forskrift får ingen vesentleg innverknad på renovasjonsordninga. Forslaget legg likevel til rette for ein meir effektiv ressursutnytting både i NGIR og kommunane og avgrensar tronen for hyppig formell oppfølging frå kommunen si side.

Forskrifta vil ikkje ha noko negativ innverknad på miljøet, og vil til dels styrke oppfølginga i den samanheng.

Forslaget vil ikkje medføra økonomiske konsekvensar.

Forslaget:

Forslaget til ny felles forskrift for deltakarkommunane i NGIR er i all hovudsak ei revidering og presisering av gjeldande forskrift. I alt det vesentlege vil det som ligg i gjeldande forskrift vidareførast.

Dei viktigaste endringane er:

- Det slåast fast at NGIR får einerett innanfor deltakarkommunane til å stå føre

innsamling og handsaming av hushaldningsavfall

- NGIR får heimel til å vedta rettleiarar, retningslinjer som gjer nærmare informasjon og føringar for forskrifa sine bestemmingar og renovasjonsordninga elles. Ein får då ein meir oversiktleg forskrift, og detaljar kan gjevast med heimel i forskrifa.
- Det er gjort eit tydelegare skilje mot næringsverksemd – som fell utanfor forskrifa.
- Det er gjort tydelegare kva mynde NGIR har med omsyn til kontroll og sanksjonar.

Konklusjon

Rådmannen tilrår at ny forskrift om innsamling og handsaming av hushaldningsavfall for deltakarkommunane i NGIR blir lagt ut på høyring. Høyringsfristen er seks veker.

Kommunestyret - 023/2021

KS - behandling:

Ordførar orienterte kort om saka.

Samrøystes vedteke

KS - vedtak:

Forslaget til ny felles forskrift om innsamling og handsaming av hushaldningsavfall for deltakarkommunar i NGIR blir lagt ut på høyring

Høyringsfristen er seks veker

Vedlegg:

Renovasjonsforskrift nynorsk utkast til kommunane - endeleg NGIR 26102020